


卷六十



書名 史記一百三十卷 慶長元和間古活字印本
 撰者 漢 司馬遷 撰，劉宋 裴駟 集解，唐 司馬貞 索隱，
 唐 張守節 正義
 卷 卷六十
 內容分類 史-正史-分刻-史記
 索書號 貴重-30
 編號 B1112300

[彩色首頁1](#)
[彩色首頁2](#)

[東洋文化研究所漢籍目錄 編號: B1112300](#)
[東洋文化研究所漢籍目錄所藏漢籍善本文影像資料庫 索書號: 貴重-30](#)
[漢籍善本文影像資料庫文本史記一百三十卷 慶長元和間古活字印本](#)
 版權所有: [東京大學 東洋文化研究所](#)
[使用上的注意事項](#)

三皇本紀

補史紀 小司馬氏撰并注

小司馬氏云太史公作史記古今君臣宜應上自開闢下迄當代以為一家之首尾今闕三皇而以五帝為首者正以大戴禮有五帝德篇又帝世皆叙自黃帝已下故因以五帝本紀為首其實三皇已遷載籍罕備然君臣之始教化之先既論古史不合全關近代皇甫謐作帝王代紀徐整作三五歷皆論三皇已來事斯亦近古之一證今並採而集之作三皇本紀

雖復淺近聊補闕云

羲氏風姓代燧人氏繼天而王母曰

三王世家第三十

史記六十

大司馬臣去病

索隱曰姓霍

昧死再拜上疏皇帝

陛下陛下過聽使臣去病待罪行間宜專邊塞之思慮暴骸中野無以報乃敢惟他議以干用事者誠見陛下憂勞天下哀憐百姓以自忘虧膳貶樂損即負皇子賴天能勝衣趨拜至今無號位師傳官陛下恭讓不恤羣臣私望不敢越職而言臣竊不勝犬馬心昧死

願陛下詔有司因盛夏吉時定皇子位

索隱曰明

豐月令云季夏月可以封諸侯立大官是也

唯陛下幸察臣去病

昧死再拜以聞皇帝陛下三月乙亥御史臣

光守尚書令奏未央官制曰下御史六年三

月戊申朔乙亥御史臣光守尚書令丞非

索隱

曰奏狀有尚書令官位而史闕其名也下御史耳丞非者或尚書左右丞非其名也

書到言丞相臣青翟

索隱曰莊青翟也

御史大夫臣

湯

索隱曰張湯

大行令臣息

索隱

息日李太子少傅臣安索隱曰任安行宗正事昧死

上言大司馬去病上疏曰陛下過聽使臣去病待罪行間宜專邊塞之思慮暴骸中野無以報乃敢惟他議以干用事者誠見陛下憂勞天下哀憐百姓以自忘虧膳貶樂損即負皇子賴天能勝衣趨拜至今無號位師傅官陛下恭讓不卹群臣私望不敢越職而言臣竊不勝犬馬心昧死願陛下詔有司因盛夏

吉時定皇子位唯願陛下幸察制曰下御史

臣謹與中二千石二千石臣賀等正義曰議公孫賀

古者裂地立國並建諸侯以承天子所以尊宗廟重社稷也今臣去病上疏不忘其職因以宣息乃道天子卑讓自貶以勞天下慮皇子未有號位臣青翟臣湯等宜奉義遵職愚懼而不逮事方今盛夏吉時臣青翟臣湯等昧死請立皇子臣閔徐廣曰一作關臣旦臣晉為諸

侯王昧死請所立國名制曰蓋聞周封八百
姬姓並列或子男附庸禮支子不祭云並建
諸侯所以重社稷朕無聞焉且天祚為君生
民也索隱曰傳曰天生烝民立君以司牧之
是言生人為立君長司牧之耳非天為
君而生朕之不德海內未洽乃以未教成者
疆君連城即股肱何勸徐廣曰一作教一作
勗謂皇子等並未習教義也皇子未習教義而
疆使為諸侯王君以連城之人則大臣何有
勸其更議以列侯家之三月丙子奏未央宮

丞相臣青翟御史大夫臣湯昧死言臣謹與
列侯臣嬰齊中二千石二千石臣賀諫大夫
博士臣安等議曰伏聞周封八百姬姓並列
奉承天子康叔以祖考顯而伯禽以周公立
咸為建國諸侯以相傳為輔百官奉憲各遵
其職而國統備矣竊以為並建諸侯所以重
社稷者四海諸侯各以其職奉貢祭支子不
得奉祭宗祖禮也封建使守藩國帝王所以

扶德施化陛下奉承天統明開聖緒尊賢顯

功興滅繼絕續蕭文終之後于索隱曰蕭

也蕭何初封沛之鄭音贊後褒厲群臣平津

侯等索隱曰公孫弘封平津侯平津高成之

南昭六親之序明天施之屬使諸侯王封

君得推私恩分子弟戶邑錫號尊建百有餘

國索隱曰武帝廣推恩之詔分而家皇子為

列侯則尊卑相踰索隱曰謂諸侯王子已為

尊卑踰越列位失序不可以垂統於萬世臣

請立臣闕索隱曰齊王臣且索隱曰燕王漢

臣胥索隱曰廣陵王為諸侯王三月丙子奏未央宮

制曰康叔親屬有十而獨尊者褒有德也周

公祭天命郊故魯有白牡騂剛之牲公羊傳

曰白牡殷牲也騂剛赤脊周牲也群公不毛

何休曰不賢不肖差也高山仰之景行嚮之

朕甚慕焉所以抑未成家以列侯可四月戊

...

寅秦未央宮丞相臣青翟御史大夫臣湯昧
死言臣青翟等與列侯吏二千石諫大夫博
士臣慶等議昧死奏請立皇子為諸侯王制
曰康叔親屬有十而獨尊者褒有德也周公
祭天命郊故魯有白牡駢剛之牲群公不毛
賢不肖差也高山仰之景行嚮之朕甚慕焉
所以抑未成家以列侯可臣青翟臣湯博士
臣將行等伏聞康叔親屬有十武王繼體周

公輔成王其八人皆以祖考之尊建為大國
康叔之年幼周公在三公之位而伯禽據國
於魯蓋爵命之時未至成人康叔後扞祿父
之難伯禽殄淮夷之亂昔五帝異制周爵五
等春秋三等鄭玄曰春秋變周之文從殷之
質合伯子男以為一則殷爵三
等者公侯伯也皆因時而序尊卑高皇帝撥亂世及
諸正索隱曰春秋
公羊傳文昭至德定海內封建諸侯
爵位二等索隱曰謂王
與列侯也皇子或在繼絕而立

為諸侯王奉承天子為萬世法則不可易陸

下躬親仁義體行聖德表裏文武顯慈孝之

行廣賢能之路內褒有德外討疆暴極臨北

海正義曰匈奴傳云霍去西湊月氏正義曰

氏音支至月氏月氏西匈奴西域舉國奉師

興械之費不賦於民虛御府之藏以賞元戎

詩云元戎十乘以先啓行韓嬰章句曰元戎

犬戎謂兵車也車有犬戎十乘謂車縵輪馬

被甲衝扼之上盡有劍戟名曰陷軍之車所

以冒突先啓敵家之行伍也毛傳曰夏后氏

日鈎車先正也殷曰寅車開禁倉以賑貧窮

先疾也周曰元戎先良也減戍卒之半百蠻之君靡不鄉風承流稱意

遠方殊俗重譯而朝澤及方外故珍獸至嘉

穀興天應甚彰今諸侯支子封至諸侯王而

家皇子為列侯索隱曰謂立膠東王子慶為

水王是也臣青翟臣湯桀竊伏熟計之皆以

為尊卑失序使天下失望不可臣請立臣閔

臣旦臣胥為諸侯王四月癸未奏未央宮留

中不下丞相臣青翟太僕臣賀行御史大夫
事太常臣充太子太傅臣安行宗正事昧死
言臣青翟等前奏大司馬臣去病上䟽言皇
子未有號位臣謹與御史大夫臣湯中二千
石二千石諫大夫博士臣慶等昧死請立皇
子臣閔等為諸侯王陛下讓文武躬自切及
皇子未教群臣之議儒者稱其術或諍其心
陛下固辭弗許家皇子為列侯臣青翟等竊

與列侯臣壽成

徐廣曰蕭何之玄孫
鄭侯壽成後為太常

等二十

七人議皆曰以為尊卑失序高皇帝建天下

為漢太祖王子孫廣支輔先帝法則弗改所

以宣至尊也臣請令史官擇吉日具禮儀上

御史奏輿地圖

索隱曰謂地為輿者天地有
覆載之德故謂天為蓋謂地

為輿故地圖稱輿地圖疑
自古有此名非始漢也

他皆如前故事制

曰可四月丙申奏未央宮大僕臣賀行御史
大夫事昧死言太常臣充言卜入四月二十

八日乙巳可立諸侯王臣昧死奏興地圖請
所立國名禮儀別奏臣昧死請制曰立皇子
闕為齊王且為燕王晉為廣陵王四月丁酉
奏未央宮六年徐廣曰一云元狩四月戊寅朔癸卯
御史大夫湯下丞相丞相下中二千石二千
石下郡太守諸侯相丞書從事下當用者如
律令

維六年四月乙巳皇帝使御史大夫湯廟立

子闕為齊王曰於戲小子闕

索隱曰此封齊王策文也按武

帝策此三王皆自手製於戲如言嗚呼戲音稀

受茲青社

張晏曰王者以五色

土為太社封四方諸侯各以其方色土與之直以白茅歸以立社○索隱曰蔡邕獨斷云

皇子封為王受天子太社之土若封東方諸侯則割青土藉以白茅授之以立社謂之茅

土齊在東方故云青社朕承祖考維稽古建爾國家封

于東土世為漢藩輔於戲念哉恭朕之詔惟

命不干常人之好德克明顯光義之不圖俾

君子怠

索隱曰謂若不圖於義則君子懈怠無歸附心

悉爾心允執

其中天祿永終厥有憊不戕乃凶于而國害于爾躬於戲保國艾民可不敬與王其戒之

徐廣曰立八年無後絕

右齊王策

維六年四月乙巳皇帝使御史大夫湯廟立

于旦為燕王曰於戲小子旦受茲玄社朕承

祖考維稽古

索隱曰褚先生解云維者度也稽者當也言當順古道也魏高

貴郡公云稽同也古天也謂堯能同天建爾國家封于北土世

為漢藩輔於戲董粥氏虐老獸心

索隱曰按匈奴傳其

國貴壯賤老壯者食肥美老者食其餘也是虐老也侵犯寇盜加以姦

巧邊萌

索隱曰萌一作眚韋昭云眚民也三蒼云邊人云眚也

於戲朕

命將率徂征厥罪萬夫長千夫長三十有二

君皆來

張晏曰時所降旗奔師如淳曰偃其旗鼓而來降

○索隱曰漢書君作師期作旗而服虔云以三十二軍中之將下旗去之也如淳曰即昆

邪王偃旗鼓降時也若如此意則三十二軍非軍將蓋戎狄酋帥有三十二君來降也

董粥徙域

張晏曰匈奴徙東也

北州以綏

臣瓚曰悉爾安也

心母作怨母

徐廣曰肥一作菲○索隱曰蘇林云裴廢也本亦作

肥肥敗也孔文祥云菲薄也漢書作裴○正義曰肥音符味反母乃廢備索隱

曰褚先生解云言無非教士不得從徵張晏曰士

乏武備常備匈奴也不索習不得應召○索隱曰韋昭云士非素

教習不得從軍徵發故孔子曰不教人戰是謂弃之謂此也褚先生解於戲保國艾民可

不敬與王其戒之徐廣曰立三十年自殺國除

右燕王策

維六年四月乙巳皇帝使御史大夫湯廟立

子胥為廣陵王曰於戲小子胥受茲赤社朕

承祖考維誓古建爾國家封于南土世為漢

藩輔古人有言曰大江之南正義曰謂京口南至荆州以南

五湖之間索隱曰五湖者具區洮滿彭蠡青

湖其人輕心揚州保疆徐廣曰一作增駟三

代要服不及以政於戲悉爾心戰戰兢兢乃

惠乃順母侗好佚母邇宵人應劭曰無好逸

人張晏曰侗音同○索隱曰褚先生解云無好佚樂馳騁弋獵鄒氏宵音謾謾亦小人或

作倭 維法維則書云臣不作威不作福靡有人
後羞於戲保國艾民可不敬與王其戒之廣
徐
曰立六十
四年自殺

右廣陵王策

太史公曰古人有言曰愛之欲其富親之欲
其貴故王者壇土建國封立子弟所以褒親
親序骨肉尊先祖貴支體廣同姓於天下也
是以形勢彊而王室安自古至今所由來久

矣非有異也故弗論箸也燕齊之事無足采
者然封立三王天子恭讓羣臣守義文辭爛
然甚可觀也是以附之世家

索隱述贊曰

三王封世 舊史爛然 褚氏後補

冊書存焉 去病建議 青翟上宣

天子冲挹 志在急賢 太常具禮

請立齊燕 閔國負海 旦社惟玄

宵人不通 葷粥遠邊 明哉監戒

式防厥愆

褚先生曰臣幸得以文學為侍郎好覽觀太史公之列傳列傳中稱三王世家文辭可觀求其世家終不能得竊從長老好故事者取其封策書編列其事而傳之令後世得觀賢主之指意蓋聞孝武帝之時同日而俱拜三子為王封一子於齊一子於廣陵一子於燕

各因子才力智能及土地之剛柔人民之輕重為作策以申戒之謂王世為漢藩輔保國治民可不敬與王其戒之夫賢主所作固非淺聞者所能知非博聞彊記君子者所不能究竟其意至其次序分絕文字之上下簡之參差長短皆有意人莫之能知謹論次其真草詔書編于左方令覽者自通其意而解說之

王夫人者趙人也與衛夫人並幸武帝而生子闕闕且立為王時其母病武帝自臨問之曰子當為王欲安所置之王夫人曰陛下在妾又何等可言者帝曰雖然意所欲欲於何所王之王夫人曰願置之雒陽武帝曰雒陽有武庫敖倉天下衝阨漢國之大都也先帝以來無子王於雒陽者去雒陽餘盡可王夫人不應武帝曰關東之國無大於齊者齊東

負海而城郭大古時獨臨蓄中十萬戶天下膏腴地莫盛於齊者矣王夫人以手擊頭謝曰幸甚王夫人死而帝痛之使使者拜之曰皇帝謹使使太中大夫明奉璧一賜夫人為齊王太后子闕闕王齊年少無有子立不幸早死國絕為郡天下稱齊不冝王云所謂受此土者諸侯王始封者必受土於天子之社歸立之以為國社以歲時祠之春秋大傳曰天

子之國有泰社東方青南方赤西方白北方
黑上方黃故將封於東方者取青土封於南
方者取赤土封於西方者取白土封於北方
者取黑土封於上方者取黃土各取其色物
裹以白茅封以為社此始受封於天子者也
此之為主土主土者立社而奉之也朕承祖
考祖者先也考者父也維稽古維者度也念
也稽者當也當順古之道也齊地多變詐不

習於禮義故戒之曰恭朕之詔唯命不可為
常人之好德能明顯光不圖於義使君子怠
慢悉若心信執其中天祿長終有過不善乃
凶于而國而害于若身齊王之國左右維持
以禮義不華中年早夭然全身無過如其策
意傳曰青采出於藍而質青於藍者教使然
也遠哉賢主昭然獨見誠齊王以慎內誠燕
王以無作怨無佻德

索隱曰本亦作肥按上
策云作菲德下云勿使

王肯德也則肥當音扶味反亦音匪誠廣陵王以慎外無作威與福夫廣陵在吳越之地其民精而輕故誠之曰江湖之間其人輕心揚州葆疆三代之時迫要使從中國俗服不大及以政教以意御之而已無侗好佚無邇宵人維法是則無長好佚樂馳騁弋獵淫康而近小人常念法度則無羞辱矣三江五湖有魚鹽之利銅山之富天下所仰故誠之曰臣不作福者勿使

行財幣厚賞賜以立聲譽為四方所歸也又曰臣不作威者勿使因輕以倍義也會孝武帝崩孝昭帝初立先朝廣陵王胥厚賞賜金錢財幣直三千餘萬益地百里邑萬戶會昭帝崩宣帝初立緣恩行義以本始元年中裂漢地盡以封廣陵王胥四子一子為朝陽侯正義曰括地志云朝陽故城在鄧州穰縣南八十里應劭云在朝水之陽也一子為平曲侯正義曰地理志云平曲縣屬東海郡又云在瀛州文安縣北七十里

一子為南利侯

正義曰括地志云南利故城在豫州上蔡縣東八十五里

最愛少子弘立以為高密王

正義曰括地志云高密故城在

密州高密縣西南四十里

其後胥果作威福通楚王使者

楚王宣言曰我先元王高帝少弟也封三十

二城今地邑益少我欲與廣陵王共發兵云

廣陵王為上我復王楚三十二城如元王時

事發覺公卿有司請行罰誅天子以骨肉之

故不忍致法於胥下詔書無治廣陵王獨誅

首惡楚王傳曰蓬生麻中不扶自直

索隱曰已下並

見荀卿子

白沙在泥中與之皆黑者土地教化使

之然也其後胥復祝詛謀反自殺國除燕土

境埏北迫匈奴其人民勇而少慮故誡之曰

葷粥氏無有孝行而禽獸心以竊盜侵犯邊

民朕詔將軍往征其罪萬夫長千夫長三十

有二君皆來降旗奔師葷粥徙域遠處北州

以安矣悉若心無作怨者勿使從俗以怨望

也無肥德者勿使上背德也無廢備者無乏武備常備匈奴也非教士不得從徵者言非習禮義不得在於側也會武帝年老長而太子不幸薨未有所立而且使來上書請身入宿衛於長安孝武見其書擊地怒曰生子當置之齊魯禮義之鄉乃置之燕趙果有爭心不讓之端見矣於是使使即斬其使者於闕下會武帝崩昭帝初立且果作怨而望大臣

自以長子當立與齊王子劉澤等謀為叛逆

出言曰我安得弟在者索隱曰案昭帝薨弋

年纔七八歲耳胥旦早封在外實合有疑然武帝春秋高惑於內寵誅太子而立童孺能不使胥旦疑慈亦由權臣輔政貪立幼主之利遂得鈞弋子當陽斯實父德不弘遂令子道不順然犬各吠其主太中宗今立者乃大正人臣之職亦當使燕喻之

將軍子也欲發兵事發覺當誅昭帝緣是寬

忍抑案不揚公卿使大臣請遣宗正與太中

大夫公戶滿意御史二人偕往使燕風喻之

索隱曰宗正官名必以宗室有德者為之不知時何人公戶姓滿意名為太中大夫是使二人又有侍御史二到燕各異日更見責王昭帝實武帝子狀侍御史乃復見王責之以正法問王欲發其罪名明白當坐之漢家有正法王犯纖介小罪過即行法直斷耳安能寬王驚動以文法王意益下心恐公戶滿意習於經術最後見王稱引古今通義國家大

禮文章爾雅

索隱曰爾近也雅正也其書於正字義訓為近故云爾雅相承

云周公作之以教成王又云子夏作之以解詩書謂王曰古者天子必

內有異姓大夫所以正骨肉也外有同姓大

夫所以正異族也索隱曰內云有異姓大夫以正骨肉蓋錯也內合言

同姓宗正是也外合言異姓太中大夫是也周公輔成王誅其兩

弟故治武帝在時尚能寬王今昭帝始立年

幼富於春秋未臨政委任大臣古者誅罰不

阿親戚故天下治方今大臣輔政奉治直行

無敢所阿恐不能寬王王可自謹無自令身
死國滅為天下笑於是燕王旦乃恐懼服罪
叩頭謝過大臣欲和合骨肉難傷之以法其
後旦復與左將軍上官桀等謀反宣言曰我
次太子太子不在我當立大臣共抑我云云
大將軍光輔政與公卿大臣議曰燕王旦不
改過悔正行惡不變於是脩法直斷行罰誅
旦自殺國除如其策指有司請誅旦妻子孝

昭以骨肉之親不忍致法寬赦旦妻子免為

庶人傳曰蘭根與白芷漸之滌中徐廣曰滌者漸米汁

也音先糾反○索隱曰白芷香草也音止又音昌改反漸漬也滌如禮滌澣之滌謂洗也

音思酒反○正義曰言雖香草以米汁漬之無復香氣君子不欲附近庶人不服者為漸

漬然也以旦謀叛君子庶人皆不附近君子不近庶人不服者

所以漸然也宣帝初立推恩宣德以本始元

年中盡復封燕王旦兩子一子為安定侯正義

曰漢表在立燕故太子建為廣陽王
正義曰括地志

鉅鹿郡


良鄉縣東北三十七里
云廣陵故城今在幽州
以奉燕王祭祀

三五世家第三十

史記六十



所圖書



不許複製

NOT TO BE REPRODUCED

東京大学東洋文化研究所